

壬癸志稿六

太倉錢寶琛伯瑜輯

同里

葉裕仁酒溪
季錫疇菘耘
趙兆熊耳山
畢庭杰雄伯

參校

人物

太倉州

宦績

宋

鄭升卿字師古父喬見列傳升卿紹興進士知常徽二
州乾道六年自徽代還奏蠲本州額外勅科雜錢一萬
二千二百八十餘緡及元認江東兩浙運司等處絹一

壬癸志稿

宦績

一

萬六千六百餘疋其恤民類此

元

朱日新號中齋本楊氏子幼育朱清家因冒其姓歷任
海道千戶宣武將軍婺州路總管居官廉敏賦役公平
數平反冤獄歲歉出已粟以賑饑民民為刻石頌德遷
江州路總管亦以清節聞

明

盧熙字公暨父觀子充穎皆見隱逸傳熙博古善楷法
洪武初以薦授睢州同知時兵燹後游饑熙以休息為
治明年攝守州事會御史來清軍伍括見民以充之幾

千人熙正其籍止存數人御史責熙格詔熙抗言雖戶
僅若干悉實行伍無民是無睢也又曷用守御史不能
奪未幾卒於官知州爲營辦始克成殮歸葬吏民哭送
盈路大雨無少卻且爲私制服一月
項駕字叔馭博學通春秋工詩文洪武初舉秀才擢禮
部郎中調官廣東政尙廉平後調濠梁卒祀鄉賢
陳浚字伯厚洪武初薦授刑部主事考刑部諸弊十餘
條疏上帝善之年七十三卒孫灼字汝玉有至性親沒
廬墓蔬食終身不見齒薦授廣信府經歷嘗攝府事摻
姦剔弊郡邑德之

壬癸志稿

宦績

二

龔譽字叔言資性兼人嘗讀史記未而歲人試之盡卷
不錯一字洪武十一年以春秋經應試選岳州學正諸
生有以通鑑贖者譽覽畢封還之謝曰已拜貺數年岳
州陞爲府詣闕候調與守偕見帝問一切民情物力守
震懼莫能對上顧譽曰是官何爲者對曰臣岳州學官
也因代守條對甚悉上喜曰此可給事朕廷遂授兵科
給事中後以事觸帝怒詔籍其家僅得賜絹二疋謫戍
五開衛卒祀鄉賢

虞祥字仲正永樂九年舉人授金華府訓導洪熙初除
禮科給事中僧覺貴夤緣太監創造毘盧閣僭擬非度

祥奏毀之置貴於法尋陞通政司右參議正統八年進戶部侍郎改兵部卒賜祭葬祭酒李時勉銘其墓子震字啟東性高介不樂仕進祥卒無遺貲僦居以養母兵部尙書余子俊請爲部司務辭之

陳問字裕之

顧思義本洽會孫雙鳳人

景泰四年舉人選南昌知縣

居官清儉南昌人云豆腐知縣嘗知縣豆腐香

龐瑄字朝儀天順三年舉人知沔陽州有惠政除屬邑竟陵大憝去後民猶思之擢宗人府經歷卒於官

馮鈇字仲舉少孤每時祭輒嗚咽悲感閭里中天順六年鄉試授永州東安教諭永地僻人不知學鈇設程限

壬癸志稿

宦績

三

以身先之士皆感奮秩滿將奏績故事教官受鄉試聘得上考或謂何不少畱鈇曰已及瓜而寬之如詭遇何竟左遷貴溪訓導

凌杞字尙忠天順六年舉人官崇甯知縣改彭澤多善政兩邑士民爭之俱祀名宦曾孫從周萬厯十六年舉人杜門著述隱居終身人稱孝廉里

劉竑字以規成化元年舉人知縉雲縣廉正考最爲浙省知縣第一銓曹擬風憲以年及五十還知定州治聲益著去後縉雲民立碑思之

狄雲漢字天章沙溪人由常熟學諸生入國子監成化

十年順天舉人知沅江縣政尙寬靜民皆愛信郊外有
名山無事攜妻子出游民牽婦稚供果茗羣掖輿以行
因語父老自愛我數游汝曷勝供皆喜而拜湖盜故橫
終雲漢任盜不入邑鄂都御史馬溥然行縣怪無訟者
令隸呼之無一應者嘉歎去九年秩滿調臨清州判官
州水陸會將迎不暇居兩月力請致仕僦廬虞山下舊
田在湖塢磽不任耕時或斷炊縣令楊子器聞之曰先
生缺四壁矣就沙溪薄置田宅乃奉雲漢歸處士沈周
作募買宅疏

顧巖字希邃成化十年順天舉人選遂昌知縣始至平

壬癸志稿

宦績

四

獄訟釋坐累幾千人後補山東莘縣治官如家擒巨盜
活流民陞河間府通判仕宦十五六年未嘗以家累自
隨以勞卒

唐韶字尙虞成化十一年進士除蘭溪知縣擢御史巡
按宣府大同恩威兼濟閱所部囚廉得其冤狀釋者九
百餘人再按江西豪右斂跡歲滿部民請乞畱任未報
病卒年五十二子符見列傳

葉豫字誠之成化十七年進士選河南武陟知縣遷知
光州光人愛之致仕後攀轅相送百餘里歸額其居曰
退庵

蔡坤字一甯七歲能爲詩成化二十年進士後歷官刑科給事中大學士萬安學士尹直憑寵專恣李孜省以左道進梁方陳禧等相倚爲不法坤並疏其罪直聲震一時以失朝參出爲興國州州判遷安順知州安順在西南夷境坤順其俗以綏輯之遷衡州府同知超拜山西按察僉事兼督河南等處屯田多所釐剔王恕在吏部議內遷而坤已得疾不起坤慷慨喜功名願仕輒齟齬家清約歿無餘資

沈誠字實甫成化十六年舉人官南安知縣禁溺女收棄嬰俗爲一變陞臨江通判亦多惠政以乞養歸

壬癸志稿

宦績

五

朱表字民望宏治十八年進士選山東利津知縣陞南京刑部員外郎每遇重囚爲求活則終夕不寐正德十年左遷兩浙鹽運司判官運司利藪鮮不污表獨以清

節著

劉倣字以初

顧思義本檄子

宏治五年舉人授壽昌知縣居官

多善政至齋家貲以自給調繁去民遮畱不舍數年後猶思之爲立碑紀事

周坤字順卿正德三年進士授南京虞衡司主事歷陞南京吏部考功司郎中尋補浙江甯波知府坤持身清謹爲政寬然不能事上官改曲靖軍民府遂致仕歸幾

二十年斂跡不入官府鄉人稱醇德弟墨字文卿宏治十八年進士授刑部主事慮囚淮陽歸以忤劉瑾謫襄陽府通判尋知左州左在嶺表古攬村也時值田川之亂彫敝已甚墨至爲開田鑿井築城立社建學設官州有虎患久不能除告誓於神虎自投城下捕殺之卒於官年五十三後二十餘年知州鄧修建祠立碑於通天

岳

周埜字質卿坤弟正德五年舉人授南京工部司務洗手奉職書其廳壁有要一錢不值一錢句人亦信之尙書周用甚器賞以病歸卒於途

壬癸志稿

宦績

六

唐益字堯佐由歲貢官慈谿教諭以德化諸生卒於官貧甚門人醵金以殮

張淮字豫卿正德十二年進士授汝甯府推官精名法署光州適流賊變淮先事有備賊越境去嘉靖二年陞刑部主事以親老乞便養改南京兵部車駕司厯江西瑞州知府郡大水城圯歲供缺淮請免稅以治城民賴安堵在瑞五年贖金積至數千淮不取以舊僚誣罷歸居家十年卒

朱默字時言父星見文學傳默嘉靖十一年進士授建陽知縣輕徭賦不事鞭笞未幾憂歸喪祭循古禮旣葬

起補貴溪縣益尙清約不耐煩劇未幾卒孫玉麟以武進士第二人仕至山東都司多平寇功

曹祥字世奇正德五年舉人少居貧婦家授產卻不受去爲塾師自給補諸生試高等當次廩膳讓其友後選建陽訓導遷懷安教諭規切文行甚嚴旣而知新昌縣矜直不可干請然洞坦無鉤距聽訟以片言決每扶至十而止曰且歸逐而婦耕間撻一二訟猾斥之境外省里甲悉力備荒築隄禦溪水有堰礙水梗於豪祥立決之作嫁程戒溺女毀淫祀在新昌九載俗大變邑當孔道獨不事廚傳仙居應大猷爲吏部郎稱祥循吏第一

壬癸志稿

官績

七

以母老歸遂不復仕家貧如故久之里中或不知其故爲令也監司及郡邑守令自新昌懷安來者入委巷修謁起居若家人禮爲言往昔受恩及士民尸祝不忘祥亦無所報謝人謂翁一言可以致腆笑不答鄉飲舉大賓弗應卒年八十一子孝先昌先孝先孝友好學有文名

周表字子儀嘉靖元年舉人授紹興府通判嘗署會稽縣事修三江堰閘瀦水溉田皆成腴壤遷知雲南霑益州乞歸後數年紹興知府張明道因民之思欲建祠祀之不識其貌使畫工至其家圖以去州人陸之箕製貌

工來樂府頌焉

朱邦臣字子貞父嵩贅吳氏僚壻陸某乞爲子教以讀書中嘉靖四年舉人旣而陸之子邦教成立遂復姓知嶧縣屬歲饑民嘯聚爲盜邦臣發庾賑之單騎入撫眾感泣歸田臺司上治狀第一以憂歸補仙居時新受倭難及是又報倭至或勸之去曰城亡吾亡分也率士民乘城四十晝夜倭傳城邦臣榜通衢以容兵四集急徵薪粟給餉又水際多設大筏以疑賊賊奪筏渡蒼嶺去已又有賊百餘入境邦臣與戰軍佯敗走遺乾糲置毒其中賊爭啖之毒發悉成擒未幾催稅檄下民千人昇

壬癸志稿

宦績

八

土還官譁於廷邦臣令散偵尤黠者杖殺二人戍五十餘人政聲日盛以徭役忤里居李御史爲所中量移黃縣李出爲山東參議修隙邦臣遂歸李亦坐免

葉遇春字體仁豫孫嘉靖十七年進士授泉州推官以執法爲人所擠尋知武岡州歲饑出官粟三千賑之民賴全活厯南京刑部郎卒著有禮記覺言

季德甫字仲修嘉靖二十三年進士出知濱州三年入爲刑部郎中嘗至楚省讞獄冤抑獲伸者甚眾出爲袁州守袁科徵重力爲申請每石得減派刻石以垂永久累陞至按察使賜二品服色以事忤使者指罷歸杜門

讀書絕迹公府年八十餘卒

曹灼字用晦嘉靖三十二年進士授撫州府推官甫至有豪某以事誣臨川令灼置之法金陵人有殺從父者其戚御史某庇之灼曰吾不爲權貴撓三尺法也竟坐死後擢刑部郎聲益著丁外艱歸閉門校方書曰此豈不能活人耶居鄉徒步從一平頭奴人目爲田舍翁卒後囊橐蕭然年七十四

周鐸字子振參政在從子嘉靖四十四年進士授南京兵部武庫司主事厯遷武選司郎中不受要津請託出爲嚴州知府爲政廉平中蜚語謫汾州府同知嚴州士

壬癸志稿

宦績

九

民臥轅擁泣稍遷福州府同知汾民遮畱如去嚴時閩中數被倭鐸繕舢艦簡驍銳預設戰守備倭不敢入詔賜金褒勞陞南京刑部山西司郎中又出爲漳州漳故邊海民慄悍諸惡少嘯聚爲盜鐸擒治其魁四境肅然臺司以異等薦鐸竟移疾歸築數椽羅列圖史座右揭靜以修身儉以養德八字爲箴年八十二卒

周渤字之元錫子嘉靖二十五年舉人授益陽縣改江陵爲政廉明陞饒州府同知子履成字介甫萬厯中兩中副榜授清平縣主簿後攝德清縣篆會漕弁兌糧肆橫履成裁以法失當事意卽日解綬歸士民爲建生祠

沈默字識道嘉靖三十一年舉人官魯山知縣俗崇釋教多姦慝默示勸還俗禁子女出家爲僧尼民風爲之一變

楊士元字仁甫十二爲州諸生三試皆冠其曹隆慶五年成進士授裕州知州時年二十四折疑獄興學校以請罷市稅忤上謫廣東鹽課提舉不名一錢擢興國知州窮治盜賊釐正賦籍立礦禁修城郭建謝枋得祠居五年陞襄陽同知并攝府事營建雙溝呂堰諸隄梁皆以俸助之尋授南京兵部車駕司員外郎乞養歸卒年四十有七

壬癸志稿

宦績

十

陸起龍字震卿萬曆十一年進士官行人使外藩廉正自持慝官黃州通判多惠政祀名宦子遜之字子敏廩生與沈縣應黃翼聖同被徵官縣州知州州多盜遜之單騎力擒盜首罷官歸闕部史可法聘爲參軍極信任之可法死歸隱石牌涇口不談當世事以貧困卒

浦士衡字殷卿萬曆十四年進士授裕州知州裕故才藪士衡至拔其雋者月三試之士益向學州公費歲額五百金每歲贏二百士衡請畱爲次年用而裁故額十之三以寬民力汝南道豁十三州縣供具獨取辦於裕每修署役大戶四人動至破產士衡言諸兩院下其議

於府因令道屬州縣均輸銀入府而府委官督修著爲令卒不悅於同官會報最入覲聞父病急歸丁憂服闋將謁選前憾者適在吏部陰持謗語修隙用是罷官林居垂三十年絕口不談宦時事卒年六十八

王臨亨字止之徙居崑山萬厯十七年進士授西安知縣最調海鹽行就徵齷於顯者轉刑部主事再遷至郎中擢杭州知府未任卒臨亨性坦易辭氣溫讓顧精吏才任刑部時奉命審錄江北明年審錄廣東故事得減百人死臨亨減踰數吏以例請臨亨云我知不枉人甯計干咎卒減二百餘人高粱有盜珠者採珠太監以私

壬癸志稿

宦績

十二

憾張其事論死者六十人巡按李某救之不得臨亨至一日好語太監稱其施予急義太監喜乃及高粱盜案曰彼死固當第亡賊死或有後言爲公惜此義聲太監謝惟命六十人得不死雲南司故掌都下獄緹卒多飛文冒功臨亨每比輕律前海鹽顯者死人訟其子謀於臨亨謝曰我不能市怨於人之孤也及卒海鹽西安兩縣俱崇祀之子志堅列傳志長志慶文學傳

黃元勳字宗甫萬厯十七年進士初任慈谿知縣厯平樂擢柳州知府仕至陝西布政司參政所至有善政尤大者在柳州不動聲色安十八司會長之變元勳嘗自

言吾仕宦三十年所至盡職未嘗邀一名譽未嘗受一私謁云

施德政字正之萬厯十七年武進士厯陞浙閩都督平倭有功勦逐紅夷事載閩都記閩人至今德之

吳嘉祐字世德萬厯二十五年舉人選大名府通判郡故盜藪嚴督捕宿盜一清會水災條議請賑全活無算創築黃隄民賴保障久之攝濬縣事爲政益尙清簡興文化拔雋才然往往與僚友忤遂乞休性愷悌每傾囊應人緩急四十一年兩司議置田贍貧士卽以百畝輸之兩司嘉其誼檄知州勒碑紀其事

壬癸志稿

宦績

三

鄭嘉謨字伯明世襲太倉衛指揮天啟四年移浙江備倭先是兵譟殺掠無禁嘉謨至誅其首亂眾始帖然擢福建撫標游擊值紅夷要挾互市巡撫南居益令嘉謨會勘澎湖破走之生擒酋帥高文律等尋授廣東潮州參將程鄉平遠銅鼓山諸穴巨寇聚眾各數萬嘉謨悉撫降之海寇李魁奇郭芝葵旣撫復叛焚掠四出嘉謨率騎兵馳援獲其將楊策柘林寨被圍三日嘉謨殪其衣兇甲者數人賊退圍解敘功晉漳潮總兵未及任而卒嘉謨內行涓至事大母母以孝稱

李正春字孟芳崇禎元年進士授福建侯官知縣巡撫

鄒維璉器之而司理王凝命貪暴甚稍拂意以事齟齬
降江西布政司檢校署饒州司理時楚寇將渡江九江
道王思任與語禦寇方略深器其能題補德化縣歲大
稔米貴正春坐江關客有載粟來者止之平價以糴復
煮粥散給鄉城多所全活會蠲賦正春取戶籍親自分
別檢核吏胥無敢上下手德化當孔道士大夫游廬山
率取官值給役民苦擾正春悉取竹輿焚之立石以禁
時熊文燦總督七省討賊愛正春才而有守及文燦伏
法解學龍爲巡撫惡文燦并及正春然文燦討賊意主
撫正春陳戰守得失力言撫非計實未嘗比附文燦也

壬癸志稿

宦績

十三

正春不得志遂謝病歸一月卒德化人頌其德入祀名
宦

國朝

錢廣居字大可寄籍大興崇禎十五年舉人 國初授
鹽山知縣邑殘破賊黨潛匿山隘廣居偕前令劉某帥
數十騎突入賊穴多所斬獲餘悉散去讓功於劉俾復
職常獲賊偵坐堂鞫之懸燈於側抽矢射一發中燈賊
敬爲神相約毋敢犯卓異授工部主事歷員外郎申出
守嚴州下車黜淳安遂安二邑墨吏懲訟師朱宋以法
勦捕山寇夏可日尋授關南兵備副使未幾歸性淡泊

敦睦宗族兩舉鄉飲大賓年八十三卒

會紹唯字韶季順治二年舉人試身言書判居上等授三河知縣縣當衝要非幹吏不能勝任

世祖見除目召問賜宴而後遣蓋異數也紹唯守己以潔勤理公務民咸德之以勞卒於官

曹有武字祖來順治三年歲貢授陝西同官知縣縣經兵燹有武清戶口豁賠累戢悍卒滅羨餘循聲大著時前明宗藩子改名張大海擁眾集叢山以有武誠信來就撫有武具陳府道執不可事遂已然大海等感泣謂公在一日不敢犯境也明年以茶馬事被劾父老送哭

壬癸志稿

宦績

十四

盈道且出貲以賂逮者有武去三月而大海引兵來城陷人思其德爲立去思碑卒年七十二

毛天麒字如石順治十五年進士授安義知縣丁父憂服除補襄城丁母憂再補魏縣在安義有大憝爲民害杖斃之禁絕豪猾之侵蝕賦稅者邑民運漕至省露積多耗爲建倉於滕王閣之左轉運稱便襄城臨蜀道堰棧口流泉以時蓄洩溉田千頃泣魏時值禁兵征滇黔檄天麒至大名養馬單騎任事供億芻茭不以擾民三任劇邑積資應陞中書舍人引疾歸年八十四卒祀襄城名宦子序見文學傳

顧梅字商尹工詩詞兼好擊劍精騎射康熙二年舉人時貴州巡撫楊雍建進勦吳三桂以梅有文武才題薦軍前效用始署黃平州綏靖苗犵並理軍需奉旨加級賜蟒袍授印江知縣丁艱服闋起補陝西咸陽值歲祲梅晝夜賑撫嗣被註誤上司廉察得情題請開復尋補工部主事將入都驟卒

王抑字誦侯時敏子康熙十六年舉人例補中書改太原府同知屢決疑獄攝忻州時有遺屍在棄灰中地當衝多逆旅抑拘數十輩列跪堂下徐察一人面色稍異卽往勘其家有血跡一訊具服乃謀劫財而殺害者眾

壬癸志稿

宦績

十五

以爲神三十八年以憂歸病卒子愿字皋聞五十年順天副榜涪州州判攝巴縣陞保甯府同知有紳某恃勢奪民田愿廉得實斷歸民雍正七年功令丈量田畝愿親涖四郊纖毫無隱又委丈忠州墊江不苛不漏上官稱之

王緝修字方鄴昊子少能文中康熙二十三年副榜補國子監典籍四十一年授府谷知縣弭盜除強有神君之頌歿於任祀府谷名宦子良穀有傳

楊崙字星源康熙二十七年進士授洵陽知縣洵多虎患崙製文禱山神患遂息葺學舍集士子講論洵人始

知學善決詞訟興利剷弊不遺餘力有李氏子逋賦法當笞廉知爲儒家子憫其貧而代輸焉所居官舍隘陋菜羹麥飯稱貸自給居三年以卓異陞戶部主事四十二年擢河南道監察御史以疾卒

陸毅字士迪榮子幼孤力學工帖括康熙二十七年成進士除新建知縣修水利舉義學捕劇盜察冤獄以卓異擢戶部主事尋授陝西道監察御史奉命巡城疏免琉璃廠逋租多所建白未幾移疾歸居鄉二十餘年好施樂義里黨稱之卒年七十三祀鄉賢子履謙廩貢生由教習例銓知縣未及選卒

壬癸志稿

宦績

其

曹延懿字九咸明副使達後康熙三十年進士選程鄉知縣嚴保甲練鄉壯訪訟師置之法復增設義學教其秀良程鄉故水陸衝供億浩繁前縣按畝倍科民不堪命延懿條其弊於上司節費寬徵力反積習以母憂歸越四年卒子儀字亮疇五十二年進士授中書舍人雍正四年典湖北鄉試出署安吉州補嚴州府同知廉易有父風

汪志綦字蒨初由貢生任徐州訓導勤於課士刊學海津梁以惠士林陞湯陰知縣治行尤懋捐俸賑饑全活甚眾內擢部曹遂不出築他山草堂觴詠自適

錢汝駮字長黃晉錫子貢生選宿遷教諭遷鳳陽教授卓異陞河南新安知縣鄰邑李一甯亢挺謀作亂臺司以兵委之汝駮擣其巢擒盜首招撫萬餘人敘績擢戶部主事歷員外郎中出知長沙府果銳任事多政績閱七載罷歸著吳中水利書子斌有傳

顧之翰字受其燕詒孫廩生以貲補平湖主簿終彰德府通判平湖人稱爲小青天子璣亦以貲選漢中府同知修南北二堰以利灌溉卒於官

吳彥遵字思緒暎子弱冠游京師作燭賦及今昔游詩百韻名動京師康熙五十二年中順天鄉試授建陽知

王癸志稿

宦績

七

縣鋤豪強平徭耗歲大旱禱雨蓋公泉立應邑稱治俄中飛語被劾事白尋得四川之樂山縣疏濬雅河故道治績尤鉅又爲忌者所搆投劾歸里居七年卒子維鏗維鏞皆舉人維鏞任雲南永善知縣從子詡幼有神童譽詩文敏妙以名諸生稱

王英字懷一性廉介詩文雋逸由常熟縣諸生入太學雍正二年順天舉人乾隆二年會試取明通榜除旌德教諭訓士有方以卓異薦遷涇陽知縣屏苞苴清案牘擴書院擇良師以教之未幾移疾歸里居十餘載教授自給年七十九卒

方青選字範西髫齡失怙恃大父撫育成立奮志於學以歲貢選授沭陽教諭地僻而瘠士不志於科名青選抵任卽勤課之貧不能赴試者贈以貲嗣是多獲雋者邑有桑墟鎮儲麥備荒大吏檄委給賑所儲腐敗亟請以粟易之忤有司勿恤也居七年以老告歸卒年七十有九

張瞻洛字文江以貲授安陸通判後擢大理知府瞻洛蒞任楚北勘災督賑民德之在滇剔積弊懲豪強境內肅然以會鞫僞案罷職家居卒年八十一子棊見文學傳

壬癸志稿

宦績

十六

滑士麟字穎儒拔貢生少從沈德潛受業以貲官白鹽井大使滇屬邊境文教未孚士麟喜化導來學者咸以詩文就正蒞任六載以疾卒於官滇人立祠祀之

錢文梓字泗良渭子乾隆九年舉人授天鎮知縣邑常苦旱賴上流水注始得灌溉有大石莊與陽高接壤陽民邊上流莊民爭之乃議設牓更番啟閉兩邑並受其利邑故有劇賊某爲民患以計掩執之厯署大同暨保德州引疾歸以樸厚型鄉里卒年七十二子敬熙字亮廷諸生 召試列二等仕至湖北沔陽知州元熙見耆碩傳

王鳳儀字廷和暮孫乾隆十二年舉人授宣城知縣調漢陽里吏議旋復職由隸爲縣歷陞成都知府松茂兵備道丁內艱服闋再補松茂調任永甯繼調陝西鹽法道以疾乞歸卒年七十鳳儀負幹濟才在四川時值官兵進勦大小金川總督文綬畱司章奏屢著勞勩及在府道任內勘辦水災緝治姦宄俱有惠政松茂番民有佛子重來之頌鳳儀工詩畫能承其家法弟鳳超字宗美事母孝耘字涵青官諸暨丞修隄堰以禦水災蒞任三年卒

周洵字學蘇乾隆十二年舉人由宣城教諭陞湯溪知

壬癸志稿

宦績

九

縣調金華所至以明察稱丁艱歸起補安徽虹縣清理獄訟一如在浙時推陞順天府糧馬通判蠲除苛政沙汰冗役尋護治中印以疾歸卒年七十二弟瀆字希陳乾隆二十五年進士授清谿知縣地當孔道困於役瀆善撫循不以累民調荔波其地爲苗疆瀆治以簡靜會知府欲興山谷之利瀆持不可尋改鳳陽府教授卒於官

陸源字宗朝由拔貢生中乾隆十八年舉人挑發山東補泗水知縣決疑獄有嚴明聲邑東南地無井泉民苦遠汲相土脈坎之出泉得資汲飲葺書院延名儒主講

絃誦以興分校鄉試得士皆知名後改教職選婺源訓導勤教育十餘年如一日移疾歸卒年六十九

畢澐字涵清沅弟乾隆二十四年舉人授德興知縣署甯都知州在德興時有吳姓兄弟爭產訟數年不解澐以一體曉之遂相持感泣如初甯都介兩湖之衝棚民雜處稱難治澐悉心審斷八閱月結積案百五十起值米貴請發常平倉未得報亟勸富戶出粟以糶市價頓平年三十五卒於任

王璇字若華學璧子以貲補貴陽府札佐巡檢時緬甸用兵經略傅恩聞其才檄調隨營委解軍裝遇金沙江

壬癸志稿

宦績

二十

水漲運糧不繼枵腹以待從戎三年積勞成疾卒子廷偉字卓人諸生投効四川達州軍營議敘從九籤發江西屢奉檄攝篆於萬安建橋利濟於龍泉禁免浮派運糧駁船所至有聲後補鄱陽縣石門巡檢治以勤慎刑不濫施歲滿告歸訓徒自給舉鄉飲大賓一日執卷而逝年八十有二

周緯字欽文少具幹才從其師曹應錡入都以四庫館膳錄議敘府經歷分發貴州其地苗蠻雜處日相爭鬪緯皆撫以仁信無不悅服洊擢至兵備道時古州峒苗不靖總督以緯有夙望令往諭苗眾悉受撫後因事降

補鎮遠知府旋陞雲南迤西道卒於任貧不能返葬權厝鎮遠城南邊氓爲負土營冢

李翹鳳字罕階工書以順天鄉試被薦挑取四庫館謄錄議敘補甘肅甯州吏目革除彭原驛輸納薪草里民感之爲立生祠旋里家徒壁立杜門課孫舉鄉飲介賓卒年八十六

張懋勳字仲襄父元徵歲貢生敦品力學爲邑中名師懋勳成嘉慶十三年進士選授湖北南漳知縣以母老請近改山東昌樂母歿補原缺厯官所至待士以禮撫民有恩分校鄉試識拔皆得人居官二十年家無餘貲

壬癸志稿

宦績

三

卒後南漳士民爭賻之始得返葬

壬癸志稿六終